

曇無德部四分律刪補隨機羯磨

唐京兆崇義寺沙門道宣 撰集
清金陵華山後學比丘讀體 繢釋

敘

勅一

夫戒爲通修之元基者由其能淨無量之染業能立無量之梵行故若無戒德則染心何以皎潔梵行何以克成故云戒爲無上菩提本應當一心持淨戒然持戒之心要唯二轍

勅一

一止持二作持止持則自唐迄今代有人弘

作持則數百餘載寂無提舉余自己亥春納

戒潤州恒侍先老人輔化諸方每以作持扣

請老人云汝既志存毘尼願維絕紐藏內有
曇無德部刪補隨機羯磨迺南山律祖之所


撰集事法兼備誠爲典型但以久湮卒難力

振俟汝異日爲衆闡揚於戲諱諱師訓尤在

耳也至乙酉夏老人掩室委付棲山念顧命

之難違感茲恩之當報焚膏繼晷窮律部之

奧微率衆躬行闡綴磨之洪範是制必遵于



清刻龍藏佛說法變相圖

非即革但鞠磨藏本有綱目列而法不全復有文句古而義不顯因憐初學臨卷罔措故余依律廣其事法釋其隱微題云毘尼作持續釋使諸辰卷成壞了然所冀同志諸仁知止作明是非臨事稱量應爲當爲共沐戒海而盡浣凡心俱踐道階而紹繼聖種又豈例圖銜虛談空盈卷軸哉

時

康熙乙巳歲前安居日毘尼後學滇南讀體識於金陵寶華山之觀西軒

毘尼作持續釋

凡例

一律制羯磨一切僧事依之成就若靡羯磨作辨不成故律云有秉羯磨有說行者斯則名爲正法住世又曰不誦白羯磨者終身不得離依止是知比丘要務莫先於此宜勉攻持

一羯磨諸法始緣隨事漸制後因結集類分捷度雖斂用討文浩若不精徹非過難追上古諸大律師匡維正法嚴淨毘尼者咸皆從廣採畧恒誦不遺今藏中雲無德部有三集其二未融諸部法儀欠備唯南山宣祖撰集刪補隨機羯磨四卷於對首心念會取他宗僧法羯磨具如本部施法應事隨機准義加儀便

用有異餘二故今特紹行持

一詳稽原卷前列綱目百八十四法合復畧六十有五既云補集缺意爲何及至文中贊曰縱舒撰次非學不知徒廢時功未辦前事故闕而不載必臨機秉御大鈔詳委嗟夫大鈔世沒覓訪絕聞是故研窮廣部校讐作持應准目續法者上標一續字應依律釋義者上標一釋字應顯過出非者上標一非字應附證及便行者上標一附字若無續釋非附四科悉是藏卷原文凡秉白之法皆書頂格餘下一字俾明古本以別新續儻讀懷疑請閱北藏存字函昭然可據別集戒相題曰毘尼止持會集若彼應秉白羯磨者咸示於作持中詳明爲分

止作故不相兼今此卷內原題如舊外
權更云毘尼作持續釋以便簡討

宗紹作持本欲重光息焰必也前行後
效故體躬操二十餘年稿成不速刊行

者爲令依學練知見闡堅信今已信樂

欽行故爾壽梓流布將來藉此以報佛
恩用酬師德若受具已一徃不知由失
所傳學而不行其過何辭設未受具者
窺閱律部理嘗誠訶如謂律法先知而
後受具此則以毒飲人寧不慎歟

曇無德部四分律刪補隨機羯磨原序

釋此原序分三初明如來出世說法
制戒之由二明滅度教法流傳分律
之端三明撰集羯磨刪補隨機之意

○今初

原夫大雄御寓豈惟拯拔一人

釋原夫二字是推原發語之詞寓者天地
四方爲之曰寓大雄者乃讚佛因修萬行
斷五住煩惱二死永亾果證十號滿兩足
莊嚴三身圓現應迹示成道於中天居無
上法王之極位故云大雄御寓然佛御寓

統化三千大千世界本爲普度衆生咸令
解脫豈惟拯拔一人而出現世間拯謂救
昏迷之失性拔謂濟滯溺之沉流此明化

利之廣也

大教膺期總歸爲顯一理

釋大教者釋迦世尊五時說法三百餘會爲之曰一大時教膺者當也期者從旦至旦復其時也然雖教設五時言詮半滿皆是善巧以就三根當其時宜而爲說法至於一期佛事將終演妙法華則無二三令捨化城直趨寶所總收權小並歸大乘爲

顯一實相理此明說法之妙也

但由羣生著欲本所謂我心故能隨其所懷開示止心之法

釋此申明開權之意也如來不即說一佛乘而等濟之必先以權教攝化者但由羣生迷真已久癡無正智貪欲深著難語大法諦審貪欲之本所謂第六意識妄執我故我執有二一俱生我謂凡夫於色受想行識五蘊法中強立主宰妄執爲我與身

俱生名曰俱生我執二分別我謂於計我法中分別我能行善行惡等事而起執著名曰分別我執因執二我引生煩惱作種種業繫縛生死不能解脫唯佛智知之觀諸衆生種性樂欲故能隨其所懷而開示止心之法也

然則心爲生欲之本滅欲必止心元止心由乎明慧慧起假於定發發定之功非戒不弘是故特須尊重於戒

釋此明斷證非戒無訖也止者止息情慮登靜昏煩元即本也謂第六識心既爲生欲之本若滅貪欲必止息此心澄靜情煩以空慧觀照了知五蘊無我俱生分別不執則十使頓除永斷欲本證無我理名曰生空觀人空所以止心由乎明慧然此真

明空慧乃自性德用非正定之力莫能現
起定力弘大非淨戒之功莫能發生是故
特須尊重於戒

故經云戒爲無上菩提本應當一心持淨戒

釋此引華嚴經爲證明特尊於戒也無上

菩提四字乃華梵雙舉梵語具云阿耨多

羅三藐三菩提阿耨多羅翻云無上三藐

羅三翻云等菩提翻云覺無上是理

翻云正三翻云等菩提翻云覺無上是理

正等覺是智正謂正中即一切種智寂滅

相等謂平等即行類相貌如實知故然此

極果理智非亞位所獲唯佛與佛乃能證

知今以引證此者謂非獨人天樂報權乘

取果功唯在戒即諸佛如來圓滿萬行所

證無上菩提亦以戒爲本因凡諸真修行

者應當一心奉持淨戒而云一心者斯有

勃一

六

示其嚴持身戒之宗也

持戒之心要唯二轍止持則戒本最爲標首
作持則羯磨結其大科後進前修妙宗斯法
故律云若不誦戒羯磨盡形不離依止

釋要謂宗要也轍乃車輪所輶之跡若依

大小之別大乘一心持戒者是自性戒真
如不變本無染淨真如隨緣修證不無所
謂已知法性無染污隨順修行尸羅波羅
蜜是稱性起修全修在性之旨也聲聞乘
一心持戒者是別解脫戒憑師秉受識相
護體少有染污即于聖制若心不專一精
窮律學則名相茫然持犯焉曉貪欲之念
易興我執之妄難除縱有禪定智慧非淨
戒所發真無漏故必落魔邪是以引經爲
證復恐大小混糅不明持戒之心故下文

第六識心起三毒煩惱則成染根本是生死因若依之修三無漏學則成淨根本是出世因今就此心持戒而論宗要唯二猶車兩輪合轍方能任載至遠偏則難免折軸之憂持戒止作並行庶幾^{勑一}勞迥脫昧則反招違破之苦今人受戒欲淨而多染者良由未明二持之宗故示云止持則戒本最爲標首者止謂禁止身口不造諸惡則四分戒本最爲詳備名標五篇類分六聚隨業心輕重定犯相開遮乃比丘淨身樹德之首務也作持則羯磨結其大科者作謂作辦事法不越毘尼准事大畧一百八十有四約法量度僧數衆多一人總收羯磨以結大科更無有餘是比丘施造成濟之秘術也然斯止作已往賢聖奉持而

早獲無漏未來僧伽依修而必紹聖種捨此通途則入道無由故云後進前修妙宗斯法向下結證顯宗有據故律云若不誦戒謂不攻習其止持若不羯磨謂不精練其作持二持罔諳佛訶亞羊故制盡生形壽不得離於依止唯聽人爲已師而不聽已師於人也

○二明滅度教化流傳分律之端

自慧月西隱法水東流時兼像正人通淳薄初則二部五部之殊中則十八五百之別末則衆鋒互舉各競先驅人或從緣法無傾墜釋初二句法喻雙舉慧者如來以實智自證真理以權慧說法利生今在應迹利生邊論故但云慧也月取清涼解脫之義以喻如來於三界火宅中施清涼微妙法滌

除衆生熱惱令得解脫諸苦也月輪雖有東昇西沒之狀未曾離於太虛則隱而不隱佛應身雖有降生涅槃之相未曾離於真際則滅而不滅故云慧月西隱也如來在世教談權實言詮半滿乃至結集三藏法海汪洋湿润五天恩波浩溢衍澤震旦故云法水東流也時兼像正人通淳薄者此二句嗟時世不古以起分律之端佛生周昭王甲寅年二月八日入滅於周穆壬申年十二月十五日以入滅日爲始正法一千年像法一千年未法一萬年自漢明帝永平七年教法流入東土至唐高宗丁卯年則正法千年已過像法又經六百餘年矣既時不同於佛世故人亦非真淳體權達道之者由通澆薄致興異執自正

勅

八

法百十六年間阿育王治國時分裂毘尼以水投乳初則二部乃結集窟內窟外之所攝五百者大約言部類名數之多也詳釋如止持會集所明文中雖序三時其義所重在末因兩土傳持多沿譌故鋒者刀劍之芒也軍前鋒曰先驅若以此方律學論之則僧祇肇弘於曹魏四分濫觴於大唐中歷晉宋齊梁隋代以來十誦五分俱有司持而諸部繼宗者不無矜已抑他致令說鋒互舉各欲爭競先驅以顯化導之勝在人或可從緣易攝於法自無傾墜廢興

勅

九

正
然則道由信發弘之在人人幾顛危法寧澄

〔釋〕弘者大也此有二義一能弘二所弘能弘之人有二一自持二轉化所弘有四謂教理行果上就理法而論則理法湛然故無傾墜廢興此依教行而言則信智無偏方可弘道若能弘之人知見尚且顛危所弘之法寧得無紊而保其澄正

所以羯磨聖教綿歷古今世漸增繁徒盈卷軸考其實錄多約前聞覈其宗緒畧無本據師心制法者不少披而行誦者極多輕侮聖言動綱形綱

〔釋〕此申明人法不能澄正之義也世有二論一以王者易姓受命爲一世二以師資相傳爲一世羯磨自佛金口親宣僧伽依奉行持乃至歷於大唐古今不絕咸尊藏文世有撰集漸增繁雜既無益裨於成濟

之功但徒勞盈其卷軸而已向出陳增繁無益之過考其實錄多約前聞者謂若考究其錄實出何部則正制無憑多約前人口語即以爲是也覈其宗緒畧無本據者謂覈定其宗所尚何律則頭緒錯亂大畧因源流失傳無本可據也如是考覈師心妄制僞法者不少披覽不擇是非誦行者極多縱雖遇事彷彿凡諸施爲莫不輕侮聖言自將身形投入非法羈綱矣綱音卦絲結勅編也增一中佛言比丘非制而制是制便斷如是漸令戒法毀壞而令多人不得利益作衆苦業蓋斯之謂也

〔釋〕此復申明動綱形綱之因以歎其法道

也務者專力於事以非制爲是制謂曰異見以是制爲非制謂曰同見同異即是非法也不思反隅者此引儒書舉一隅以三隅

反謂物之有四隅舉一以知三反者還以相證也佛制羯磨過有七非舉一非以六非反今不但思反而更增昏煩結惑迷障愈深致使如來正法與競執同異之時潛藏於地矣

故佛言若作羯磨不如白法作白不如羯磨法作羯磨如是漸令正法疾滅當隨順文句勿令增減違法毘尼當如是學慈誥若此妄指實難

釋此引第三分瞻波捷度以證不得增減羯磨當隨順如來所說文句違者犯越法毘尼罪當如是學者乃教誠之語慈者佛

爲一切衆生大慈悲父誥者以上發下曰誥妄指實難者謂非制言制決無允肯之理也

○三明撰集羯磨刪補隨機之意

昔已在諸闡輔撰行事鈔其羅種類雜相畢陳但爲機務相訓卒尋難了故畧舉羯磨一色別標詮題若科擇出納興廢是非者彼鈔明之此但約法被事援引證據者在卷行用

釋准別傳云撰集此羯磨在唐太宗詔住

崇義寺時撰行事鈔在唐高祖武德年間

故言昔也諸闡輔者闡謂長安有四闡唐

都於內故稱闡內亦名闡中四闡者東有函谷關南有嶢關西有散關北有蕭關輔者漢武帝立右扶風即鳳翔府扶風縣左馮翊即西安府同州京兆居中而爲三輔

今以漢唐兼稱其處故云諸闡輔撰行事
鈔者撰謂造也鈔謂謄寫也行事者乃律
學所行等事其間羅列各分種類敍歸施
爲雜相通塞俱已畢陳但爲機務決疑相
扣訶答准律撰文其秉白聖教故未錄載
若夫作辦卒尋難了故畧舉羯磨一色別
標能詮之題若今科內凡揀擇出入興廢
是非者臨文並示彼鈔明之此但約一百
八十四法以被時非時事皆引有證據者
在卷行用則非同無據者可知矣

然律藏殘闕義有遺補故統闡諸部撮畧正
文必彼俱無則理通決例並至篇具顯便異

古藏迹夫

釋律藏殘闕義有遺補者律藏二字單言
本宗四分律藏然此四分律藏久於五印

勑一

十二

傳持緣尊者佛陀耶舍先在本國誦四分
律後入東土不費梵本而來姚王請譯流
通耶舍口誦梵音佛念筆授成文殘闕者
殘謂零落也闕謂減少也此有二論一結
集法藏律無多部後因異見遂爾漸分既
取捨非同則殘闕不無二譯傳此土翻梵
成華筆授潤文擬或遺漏統闡諸部撮畧
正文者統謂總也闡者要會也諸部者今
藏中有摩訶僧祇部律四十卷薩婆多部
律名十誦六十五卷彌沙塞部律名五分
三十卷並善見薩婆多論等故云諸部其
根本一切有部於後方來故爾不序南山
宣祖慧見超羣弘振頽綱闡本藏文味諸
捷度逢事當作義合秉法而羯磨不載難
於應用故總會諸部若制有者撮取正文

以補其遺必彼俱無則理應通決准例餘法便其時機並至篇具顯由便於今故與古藏卷文迹有異於文末夫字乃語已之辭

羯磨雖多要分爲八始從心念終乎白四各有成濟之功故律通標一號敢就其時用顯要者類聚編之文列十篇義通七衆豈今傳諸學司將以自明恒務也

釋此段乃分科謙結之文也謂聖制羯磨雖多其義大要分八一但心念羯磨二對

首心念羯磨三衆法心念羯磨四但對首羯磨五衆法對首羯磨六單白羯磨七白二羯磨八白四羯磨而以後三爲本前五爲開若以五四爲本三二是開各有成濟之功者謂僧衆一人有異秉白辦事無殊

但揀壞緣俱成利濟也敢就其時用顯要者敢謂勇敢乃進取之義就者從也准舍利弗問經中佛言摩訶僧祇部其味純正其餘部中如添甘露諸天飲之但飲甘露而棄於水人間飲之水露俱進或時消疾或時結病其讀誦者亦復如是多智慧人能取能捨愚癡之人不能分別今宣祖獨善採補遺軌准例闕範而南山律宗赫赫傳芳諸佛正法湛湛住世非如來所使孰能勇敢以符聖意哉編者次簡也篇者簡成章也豈今傳諸學司將以自明恒務者此二句乃謙結之文也豈者非然之辭司者主也今者即彼時諸司律學宗匠也謂斯羯磨豈因當今律司而輒撰集本欲將以自明無昧終身願爲恒務也此則德碩

而不矜學博而不負謙恭善導愍物情切
皆由弘法之願深爾 略釋原序竟

篇目

集法緣成篇第一

諸界結解篇第二

諸戒受法篇第三

衣藥受淨篇第四

諸說戒法篇第五

諸衆安居篇第六

諸自恣法篇第七

諸衣分法篇第八

餽六聚法篇第九

雜法住持篇第十

篇目終

曇無德部四分律刪補隨機羯磨卷第

唐京兆崇義寺沙門道宣 撰集

清金陵華山後學比丘讀體 續釋

今釋此羯磨大科分三

初釋本題 次釋人題 三隨文續釋

勅

十五

○今初

曇無德部四分律

釋題中首標部名次出律者爲別他宗特顯本部故詳釋如止持會集所明茲不再繁

刪補隨機羯磨

釋刪者謂刪去緣起之繁撮取正制之法補者謂補足本部之遺准例餘軌之式若詳明刪補義如原序隨機者謂就其時用也梵語羯磨此翻辦事亦云作法若能如

制秉白施造遂法皆有成濟之功故律總標羯磨乃作持之都名也然羯磨制宣廣長舌相博應聖凡捨之則涅槃無徑依之則菩提有基後進前修妙宗斯法宣祖撰集藏卷有四今新續釋文成十五卷茲當

第一畧釋題竟

○次釋人題

唐京兆崇義寺沙門道宣撰集

釋唐者以別代世也李淵於隋煬帝十二年中封唐國公爲太原留守使後舉義兵

入關中遙尊煬帝爲太皇立代王爲恭帝

淵進爵唐王後受隋禪而有天下稱高祖國號唐也京兆者數名也十萬爲一億十億爲一兆十兆爲一京天子所居必以衆大而言者蓋輦轂之下聲名文物之所大

聚也故云京兆猶京都京師之稱即今陝西西安府是舊曰長安周秦漢晉以至隋唐並都於此崇義寺乃京兆之首刹今以京寺兼名者舉京令遠人知京是總名舉寺令近人知寺是別故沙門者是釋子之通稱謂勤修戒定慧息滅貪瞋癡識心達本源故號爲沙門道宣二字是律祖之尊諱祖乃隋吏部尚書錢申之子生於隋高祖開皇十六年九歲偏覽羣書十二歲善習文墨十五獻俗依智首律師受業十七

落髮二十依智顥律師受具三衣唯布常坐一食唐高祖武德四年再依智顥律師習律性樂禪那期修正定武德七年晦迹隱於終南山紵麻蘭若始製行事鈔貞觀十九年奉太宗詔住持崇義寺玄奘法師

龜尼作持續釋卷第一

勑

十七

音義

凡例

凡者大槩也例者比例也左傳序云發凡而起例

也討尋也追也浩浩浩浩大水貌况

文言之深廣也附贊收也聚也

附贊秉委謂原委原泉所出

研

御謂頒宣佛制如宣人王之旨也委謂原委原泉所出

窮究兩本相對覆也委流所聚也校讎校如先也窺小規求也足

足

翻經弘福筆授潤文推爲上首唐高宗永徽元年復居終南山乾封二年春天人報祖歸彌勒內院乾封即高宗所改之號當永徵十七年十二月三十日衆見天上幡花交列異香天樂大人同聲請祖覲彌勒上聞之詔天下寺院圖形奉祀後唐懿宗謚號澄照律師塔名淨光由其始終隱居終南故世多以南山律師稱焉自唐迄今律學咸紹其宗撰者述也造也集者聚也成也畧釋人題竟

第一五九冊 壽無德部四分律刪補隨機羯磨

一五·一六四六

次也。隨去聲就博應聖凡。博者普也。羯磨是法。王嚴制普被僧徒。雖是無漏聖僧。殘質木謝或菩薩示跡。僧倫莫不欽遵。無敢違者。禪蠻去聲輦連上聲轂。音谷轂者。車輪之所奏也。諱生曰名孕。音亂懷頤。音示行之號。死曰諱姪也。頤均諡。音跡也。謠行立號以易其名也。自周公始古者。卿大夫殺則君命有司累其功德爲文。以表之謂。

序五住煩惱

一、一切見住地惑即三界根對法塵分別起諸邪見住著三界。由意澄照律師塔名淨光也。謠同誄音磊磊欲愛住地惑即欲界思惑。謂諸衆生由五根死。三色愛住地惑即色界思惑。由諸衆生不了此惑住著禪光不能出離。四有諸衆生不了此惑住於餘惑未盡住地。大乘善薩方能稱稱實道除斷見思惑所居之土方便土者。謂修方便地惑。沉滯真空住方便土。若總而論。則有長有短。命則隨其業力所感果報身則